



SARAJEVO Uhapšen Fadil Aljović, osuđeni pripadnik zločinačke organizacije

Turkovićeu čistač prijetnja za nacionalnu sigurnost BiH

Aljoviću prijeti protjerivanje iz Bosne i Hercegovine • Osuđen za pomaganje u ubistvu Midhata Mekića i Lucije Salas Kortez

Fadila Aljovića (38), koji je poznat kao član zločinačke organizacije Zijada Turkovića, inspektori Službe za poslove sa strancima jučer su, uz asistenciju Državne agencije za istrage i zaštitu (SIPA), uhapsili na području sarajevske općine Ilidža.

Aljović je ocijenjen kao prijetnja za nacionalnu sigurnost BiH.

Služba je procijenila da Aljović, državljanin Srbije, rodom iz Prijepolja, predstavlja prijetnju po nacionalnu sigurnost Bosne i Hercegovine, jer se dovodi u vezu s organiziranim kriminalom.

Zabranjen boravak

Njemu je, kao stranom državljaninu, zabranjen ulazak i boravak na teritoriji BiH u periodu od tri godine te je stavljen pod nadzor u



Fadil Aljović na suđenju u Sudu BiH



Kuća strave u Binjezevu, u kojoj su ubijeni Midhat Mekić i Lucija Salas Kortez

Imigracioni centar Službe za poslove sa strancima. Poduzimaju se mjere njegovog udaljavanja s teritorije BiH.

Aljović je u aprilu 2015., kao član grupe Zijada Turkovića, osuđen na pet godina zatvora zbog pomaganja u ubistvima Midhata Mekića i Lucije Salas Kortez.

Likvidaciju su izvršili Zijad Turković i njegov saradnik Milenko Lakić. Zločin je izvršen u noći sa 1. na 2. mart 2010. godine u kući koju je u Binjezevu unajmio Hajrudin Memović (osuđen na pet godina zatvora, op. a.).

Te noći, Hajrudin Memović je, sa svojom djevojkom, otišao u kafić "Tekila" u Hadžićima, gdje se našao sa Seadom Dumanjićem i dao mu ključeve svoje kuće u

Sudi mu se zbog droge

Umjesto protjerivanja iz BiH nakon izdržavanja kazne, Aljović je u martu ove godine, zbog organiziranog kriminala u vezi s rasturanjem droge, uhapšen zajedno sa još 17 osoba u akciji "Praznik". Ovaj pred-

met već je u fazi suđenja. Binjezevu, u kojoj su bili Mekić i Kortez. Par je izrešetan heklerom, a poslije je obdukcijom u utrobi djevojke pronađen fetus dječaka, star četiri mjeseca.

Uklanjao tragove

Uloga Fadila Aljovića, koji je živio kod Memovića u Binjezevu, bila je da sakrije tragove ovog ubistva, očisti kuću i spali namještaj, što je on negirao.

met već je u fazi suđenja.

- Optužnica je podignuta, a predmet je trenutno u Kantonalnom sudu u Sarajevu na suđenju - kazala nam je Azra Bavčić, portparol Tužilaštva Kantona Sarajevo.

- Memović me je uyjerio da uđem na minutu. Čitava lijeva strana kauča bila je krvava. Odmah sam izašao iz kuće koliko sam se prepa. Sa Memovićem sam odmah otišao u Prijepolje - izjavio je tada Aljović.

Sud BiH je Fadilu Aljoviću prije dvije godine, uz presudu, izrekao i mjeru zabrane ulaska i boravka u BiH u trajanju od tri godine.

B. CERIĆ